


HARVARD COLLEGE LIBRARY
FROM THE
HARVARD-YENCHING
INSTITUTE
JAN 14 1932

3
TCHL 9133/4833



天祿閣外史卷之五

賓秦文

遇樵

漢 汝南黃 明 竟陵鍾

惺評

憲撰

哈佛大學哈佛藥京
圖書館珍藏印

徵君入秦倚歌於渭橋。有負薪者過而問曰：子何人斯？倚歌於渭水之梁乎？徵君對曰：南漢室之徵君也。吊古於秦，悲而倚歌，非汝所測也。負薪者曰：今游秦之士，接迹於渭橋，不徒以游觀為樂也。皆挾策懷珍以干秦王，而士無遺於鄰國。秦號為得士，子以漢室

突出機字
無限相成

激君下臨蒲壤使一見秦王秦王必以子為上國之賓富貴可立
而俟也子莫洋洋狀倚渭橋而悲歌乎徵君曰非甫之志也故慷
慨悲歌以自激耳憲也豈寧戚之流乎負薪者曰吾秦人也以負
薪為職凡秦之名山廣谷遺基故苑吾皆得而樵焉子欲吊古於
秦以釋厥志吾為子肆言可乎徵君頷狀而長笑曰出於機入於
機同遊於機浩浩乎磅礴於機而忘於機負薪者曰吾惡知人忘
於機乎機忘於人乎人與機相忘乎夫機業於無極之原知者覺
之愚者忘焉故萬物緣機而生緣機而動天地如之而况於物乎
吾與子遇機也吾與子言機也子以吾為忘於機而不以子

更言更卓
此字更人

為忘於人乎徵君不能對既而曰子言秦之狀也憲也願聞之負
薪者曰吾忘於機子忘於人而奚不忘渺思負薪之子乎徵君曰吾始
知忘於機者化於機覺於機者忘於人乎雖狀吾以仁義為機而
得其名子以斧斤為機而得其薪薪者得於斧斤而不得於子是
亦忘於子也而子亦豈忘於機乎負薪者曰噫嘻乎吾與子之爭
於機乎鑽焉鑿焉而不得其源乎吾已矣哉今日暮重關渭水東
流秦嶺蒼狀烏愁雲木有廬在焉請與子偕歸以薪為榻舉瓦觴
食鬼草聊以娛子懷也負薪者曰子如不言吾請言其畧以誅子
之游夫秦四塞之壤也雖偏鎮於南隅而國之形勢寔為天下雄

水史
卷五

山川形勝
列如畫
而文勢縱
橫聲調亦
幻讀之惟
恐盡

固帝伯之業也。若夫盤互而秀於南者，則終南太乙焉。隆隆乎陰
於南極，而東望潼關者，則華嶽焉。東注乎咸陽，則澧水之所導也。
其境有蘭池阿房之宮，咸陽之南，周之鎬京也。茫茫四陵，南北相
望。秦宮所營，澧其鬱焉。豈惟涇水之望陵哉。南北臨乎函國，而奕
奕者，其梁山也。網緼而蒼蒼，內有離宮別館，昆明西陂，輦道行曲
而相屬者，秦之上林也。鬱狀起於鄠之東南者，有紫閣峯焉。其周
之靈臺廢也久矣。橫亘於藍田者，有秦嶺焉。霸水之所出，堯關之
所鎮也。截於南城，而嫫媧之所開者，其玉門之關乎。環於漢陽而
微茫者，其烏鼠乎。限於北漠之陁，匈奴倚而窺者，此秦之長城

紫塞也。扞蔽乎朔方，而胡笳戰馬之所集者，其賀蘭之山乎。殷下
龍門，景入太華，而浩蕩者，黃河也。積雪千里，而瀑布之潏潏者，則
太白焉。荆山峙於河，則大禹鑄鼎之墟也。若夫太液曲江之池，樂
游細柳之原，驪山之溫泉，新豐之柶社，隴山之北坂，長安之章臺，
只有博望南郊，芙蓉未央，長樂建章，甘泉之宮，不可勝數。其近而
羅列者，皆鍾秀於雍州。其遠而環帶者，皆隱耀於關中也。子之遊
秦，其知已乎。徵君謝曰：幸教甫矣。今王室多事，而秦晏然。一日不
能藉雖潘籬，四塞吾恐胡人整步而過藍關之險。卒於九壩太華
之限，窳於戰場，則秦人安得而峙乎。所以慷慨而悲歌也。負薪者

孔。嘯。而。去。徵。君。笑。曰。國。有。隱。士。肅。已。知。秦。王。之。不。能。好。賢。也。聽。之。有。殺。觀。之。有。色。咀。嚼。之。而。雋。永。之。味。溢。於。齒。牙。真。佳。文。也。

待樵

徵君復遊於渭橋。待負薪者來。左權不悅。曰。昔者夫子倚歌於渭橋。遇負薪者與之鄙談。今又俟其至。何褻身於野人。而失期於諸侯哉。竊以為夫子不飲也。徵君曰。汝未之達乎。吾如秦三日矣。而秦王不聞。是左右之佞者衆也。秦王招吾以禮。殺吾以佞。則賢士之負薪者衆也。吾欲去秦。是揣佞於左右。而忽禮於秦王。議者必曰。無故而驟去。非孟氏三宿之意也。吾是以寄傲於斯乎。乃假為漁者。倚梁而釣於渭水之流。有漢使翟酺過而訊曰。僕久不見故度。何落鬼如此耶。徵君對曰。夫貧賤者士之素也。用之則為春陽。

不可以守
所測之

不用則為秋陰達則萬鍾而不加喜窮則一瓢而不加憂故仲尼
聖矣不能為夷吾之霸齊孟軻賢矣不能為子產之興鄭何則遇
與不遇耳今漢室衰故賢士淪落黨錮之釁方殷權奸之謀已奮
矣有志者其憂患乎秦以千乘之國當故世之季桓文之功烈可
一舉而蘇也狀而玄謀深識之士不集於國潛齎緼策之雄卷迹
於路者豈秦之利祿不足以供天下之賢才乎亦以左右之讒佞
之狀也夫秦王帝室之同藥而宗盟之首系不以此皆富強其國
陰結諸侯而扶漢室之危吾恐天之曆數必授於異姓之
海內則秦王安得以藩封之爵而傳之子孫耶吾之游

室也使秦王晏狀而不顧其後則士亦拂塵而往矣吾之不
冀秦王之遇也三日而無聞吾豈咎於秦王哉憲也不任天子而
遊諸侯亦仲尼之衛之陳之宋之所為也終不獲志則卜居於山
林以諷先王之典謨而已矣豈自同於羈旅之後乎翟圃曰夫秦
恃百二之固以輕賢士其不能為漢室賴也亦明矣以子之才上
不臣於天子下不交於諸侯而猶偃仰當世是洗巢由之耳而負
伊尹之鼎也今漢室之難發於鈞黨此亦諸君子之激也亦制群
小而自制不亦悲乎夫陳仲舉竇游平李元禮郭林宗范滂博之
屬皆子友也今天子方高子之名蓋亦就蒲輪之聘清朝廷之路

墨花滿紙
皆成五色

而解諸君子之憂乎。莫必以意氣賓侯王。談笑輕爵祿。而若是。也。且吾聞之。鱸。鯉。遊於百川。不如江海之深。遊。朱。鳥。遊於七澤。不如雲漢之高。飛。賢。俊。遊於諸侯。不如一王之殊。遇。子其慎所遊也。徵君答曰。是則狀矣。先生獨不聞江海之逝者。不能棲。遲於芳。藻。雲。漢。之。飛。者。不能飲。啄於清流。一王之遇者。不能屈。伸於爵。網。名。羈。之。外乎。鈎。黨。之。議。非諸君之憂也。王道壞而重臣危。不可以濟。先生其行矣乎。遂送別於茂陵道。翟。醜。登車。惘。狀。遥。謂。徵。君。曰。時。哉。各。努力。也。子。其。憂。矣。

賢者之處世也。雖欲出而為天下。亦未嘗不思退處而樂道。蒼。

生霖雨。往往與空谷白駒同萃。一心於此文。想見之。

誅賞

秦王聞徵君入秦三日不得謁誅左右之蔽者五人令國人弦歌以逆徵君秦王待於宮門軍伍執戟庶人執芥車馬輻輳觀者慰曰今日得見徵君也徵君至秦宮秦王欲爵之授以冠馬徵君辭曰不可受也夫先王之爵祿自畿甸而頒於侯國太宰掌之天子不得而私其臣諸侯不得而私其士故詔爵以德詔祿以功皆天子之明制也至於衰世庸主廢滅先王之法爵祿無紀軌物不經挾權據寵之家珠玉以為淵丹青以為谷羅綺絲竹之樂交陳於前亘以長夜若此者豈皆君之賜乎賣寵幸於士庶借威福於人

古今末世
皆同此風

水史

卷五

七

主無德者爵無功者祿百姓怨困於下而國病矣人王疑而不能
悟昏也悟而不能振弱也主弱則臣強強則侵侵則盡臣盡於內
則諸侯毒於外其始強也亦以爵祿而私士遂至浸溢而不可救
故勢合則戰勢分則盟力合則戰力分則盟謀合則戰謀分則盟
此七雄之所以相持其勝也而况當是時以爵祿役天下之士者
皆有國之諸侯其權可得而爵其地可得而役其民可得而兵其
士可得而臣也狀帝秦而為民魯仲連猶恥之是士非不欲聞於
諸侯也無道之國安得而臣哉今諸侯有位而無國其勢又難矣
無國是無民也而據爵其士士必蒙僂况諸侯乎夫漢室雖未

有周報之窮宜以扶漢室為名而謀其國則諸侯之業完矣賢王
封千乘之爵而有萬乘之勢士之日夜望秦而驅馳者亦欲以漢
室之故而陳於王也若賢王有其國而國之人民土壤皆奉職於
王則士亦不必至矣士至而爵之亦不辭也賢王惟無國故不可
爵一士而使之謀秦何也漢室之君臣猶議禮於庭而攬天下之
地圖頒諸侯之爵祿建榮號於海內行賞罰於郡縣而一統之形
未剪也賢王欲謀秦而扶漢室豈必爵一士乎故曰得民之心者
不以威武得士之心者不以爵祿得諸侯之心者不以山川亦自
得其心而已矣臣之入秦也月始愛鬼而臣之見王也月已幾望

漢一步使
操爵祿以
崇人者失
其權

賢王以為左右之蔽而誅之。求亡誠急矣。奈漢室之典刑何也。誅一人且猶不可。况其餘者耶。夫蔽士不可以為律也。蔽而誅之。使有讒於王者。則如之何。不達於王而殺其士於秦國之境者。又如之何。賢王誅左右以蔽疾。榮臣以爵祿。賞臣以冠冕。皆非典也。臣故不受。夫死五人而得一士。賢王何利焉。是以一誅賞而動漢室也。且以迫秦後。不可以為盟主。王其圖之。秦王憮朕曰。朕則寡人為之。奈何。對曰。雖朕猶可為也。今秦之有司。天子之臣也。非王之臣也。王宜以為情告於天子之有司。殺以私進美女之律。益其罪與蔽均也。今有司亦以其情達於天子。則王之慮必釋。而魏之

恩堅矣。婁人史綱曰。何必朕為君之計。宜以誅左右之威而救秦民。乘士之歸秦而速伯功。倚秦國四塞之險而會諸侯。當漢室累卯之危。而布文德。此一時之顯名感舉也。五伯之功皆謀於速而鎖於機。故名顯而功集。今天下初啓難也。以誅賞之小瑕而詭掩曲飾。以求媚於昔。臣懇疾下事。謙矣。何以達聖哲之權。昭宏峻之業。竊為君不取也。秦王笑曰。何言之易。何言之易。寡人方與徵君游禮樂中。惡及茲也。是歲少微見於秦。立論出人意表。

盟會

韓人將尋盟。秦王問於激君曰：韓將與寡人盟，何謂也？激君對曰：夫諸侯親睦以寧其社稷，以懷其人民，使軍旅之士不相加也。於是乎有盟之禮。夫盟信之興也，諸侯盟會以示好，宴享以示睦。故諸侯貴盟而賤役，大國盟而不役，小國役而不盟。弗信則盟必遺，弗盟則無以彰信也。盟以彰信，故潰盟者春秋惡之。求盟而不直者，春秋恥之。夫求盟者信詐之機也。是故諸侯未戰而盟，將以養其戰也。既戰而盟，將以防其救也。故怠則乘之，釁則動之。窺怠而乘是，吾以盟急也。觀釁而動是，吾以盟釁也。以盟急者敵必乘之。

信之機
近書
古今盟會
之契

水之

卷五

以盟者教必動之故曰信詐之機也必欲盟故蘇之以信必欲
潰盟故寓之以詐盟而守信者若葵丘之會是也盟而守詐者若
河陽之會是也夫天子與諸侯不言盟而河陽之會則晉文之守
詐於諸侯以侵周室孔子曰晉文公譎而不正齊桓公正而不譎
此之謂也今王欲為葵丘之會而蘇信於天下則韓之首盟不可
辭也受韓之盟則諸侯皆嚮應而盟秦齊桓之盛復轉於今矣不
然則諸侯皆秦之心猶韓之盟於秦之心也韓之土壤秦不能過
韓之山川秦不能過韓之謀士秦不能過韓之人民秦不能過韓
之精兵秦不能過韓之車馬器械秦不能過夫以不能過之辭而

求盟於秦固天以葵丘之烈賜賢王也王其盟之秦王悅遂與韓
人盟於錫谷

盟雖非淳古之道然晚近人心渙散而思有以固結之則舍盟
又無由矣故賢者取之

琴論

徵君燕居○中夜鼓琴○而歌○幽風○秦王使左右伺之○通於館人○館人
覺○私告於逆者○曰○子之師也○鼓琴咏歌○其聲鏗鏗○朕是歌也○果無
心乎○逆者對曰○夫心以生聲○聲以成歌○歌以暢志○若夫子之歌也○
何謂無心○館人曰○朕則所謂歌者何詩也○對曰○幽風曰○奚取幽風
也○曰○幽風○王化之紀也○夫子思周室之隆○治而詠歌焉○秦其望矣○
曰○無刺乎○曰○然○琴而音婉○以和歌○幽風而風雅○以舒○又何刺焉○館
人謂秦王之左右曰○先生無勞竊也○請復於君○可乎○左右逆徵君
理琴願逆者而言曰○吾鼓琴至幽風之亂○琴不起○必有疑者感之○

文思纏綿
如波紋相
逐

其秦王乎。逆者對曰：館人哉。徵君曰：館人何為而疑也？對曰：館人
聞夫子鼓琴而歌，卒爾問曰：鏗鏗者歌，其有心乎？弟子應之以心。
又問曰：何國之風？弟子告之以幽。又問曰：有刺乎？弟子告之以美。
是以知館人之疑也。徵君曰：甫有心而鼓琴，君無心而疑琴，琴亦
應吾以疑，滯吾以情，何感而至此哉？噫乎！夫人寄於幻化，有有心
者，有無心者，有有心而無心者，有無心而有心者，無其所無而未
嘗無有其所有，而未嘗有無亦疑也。有亦疑也，疑則機也。機則感
於機而應於機，機之流於物也，無一無萬，無巨無眇，無遠無近，無
陰無陽，鼓舞化育，莫知其存，若風之噫，噓而物竅皆鳴，日之臨照

而萬狀皆朗，不行而赴，不疾而馳，此之謂機。故禹產於石，契產
於燕，卯韻皇悟於鳥迹，傳說報於夢寐，乞人哀而感，申喜介子歌
而泣，文公發巴鼓瑟而魚出，魯陽揮戈而日反，其有心乎其無心
乎其感於機乎？其應於機乎？今吾鼓琴而館人疑，館人知也。吾弗
知也。館人疑而琴寒，吾知也。館人弗知也。吾是，以有感乎物，機之
變易如館人之疑而觸者，亦多矣。小子識之。逆者出告於館人，館
人異其所云，入曰：夫子鼓琴于堂，而有琴貼以為僕，疑也。夫子始
得其疑而失其人乎？徵君曰：此弟子之言也。館人曰：否，頃有秦王
之左右二人，伺夫子於牖外，以犯夫子之琴，此左右之疑也。逆者

清理與義
之先

其誤矣夫。徵君撫琴而喟曰。左右之伺王命也。則疑在秦王也。於
左右何疑。夫疑鬼之門也。明神之庭也。吾聞君子去疑而存明。未
聞洞明而畜疑也。故君子遵禮樂以昭明其心。遠淫邪以昭明其
性。躬政事以昭明其動。辯忠佞以昭明其志。濟災獨無告之民。以
昭明其德。猶懼其未廣也。察誹謗以昭明其過。納諫諍以昭明其
虛。修蒸嘗以昭明其敬。充庇國家以格於上下神祇。是以世享其
業。子孫必興。此後纓文王之所以充裕也。秦王以漢室之子孫。賢
而無輔。富而無民。恃大而不修德。疑士而不謀政。後有興者。其始
皇二世之所為也。惜乎吾不得見左右而論於王。館人出。後者侍

而問曰。夫子何屑與之論大道也。曰。吾聞君子無傲。以傲而陵人。
人亦侮之。以傲而陵君。君亦賤之。以傲而凌長。長亦擊之。以傲而
陵弟。弟亦狎之。以傲而陵友。友亦遠之。是以替名而扞善身。必僂
焉。吾知免於今矣。

機趣淋漓。不減莊生秋水。

燕居

徵君燕居與七子講業。七子問曰：孟軻孫況之後，由道者可得而
 聞乎？徵君曰：道人之路也。愚夫愚婦皆由之，孔子盜跖皆由之，何
 謂無道？曰：是路也，非道也。以路而為道，則可以道而為路，可乎？以
 道而為路，則亦指仁義而為塵埃乎？曰：汝何以道為道，以路為路？
 乎？吾觀其由於人者，云爾。夫路也者，緣仁義而名者也。非緣路而
 名仁義也。汝知仁義之非路，而孰知塵埃之為道乎？知塵埃之為
 塵埃，而孰知仁義之為塵埃乎？天地庶物皆塵埃也，則省路也安
 得不謂之道？故君子仁義以為路，是亦仁義以為塵埃也。仁義以

墙壁瓦礫
 皆是佛性

為塵埃。是亦塵埃。以為道也。道莫於春秋。亦隆於春秋。若孔子及
顏淵。曾參。子貢。蘧瑗。季札。子產。是已。道熄於戰國。亦鳴於戰國。若
孔伋。孟軻。墨翟。列禦寇。莊周。荀卿。是已。其餘狀。嗟其術於當世。
以立一家之言者。殆不可紀。若鄒衍。虞卿。慎到。田環。闕尹。喜。庚。桑
之徒。皆顯名諸侯。而列儒者之林。使孔子出。必取而裁之。以納於
道。雖高鞅。蘇秦。張儀。公孫衍。申不害。韓非之流。其學不出於繼。則
入於權。不入於刑。則出於名。馳甘辭。濫議以傾諸侯。而坑天下之
民。狀數子者。亦皆辯慧博聞之士。使其遊於孔子之門。孔子必不
拒。蓋辯慧者。考崇之。資博聞者。達性之途也。如是則儀秦無縱橫

取。韓商無刑名矣。夫人之性。不相遠也。其質婉以慈。而文之以詩
書。閑之以禮義。則性成焉。故性猶璞也。玉不琢則不成。今夫野藪
之人。多鄙。市井之人。多嫵。非理也。其習使狀也。性固無間於野藪
市井之人也。故循其習之。謂情。宰其情之。謂性。因性而導之。謂學。
不因性而學。是助傲而飾巧也。何取於學。故博學而無禮。君子以
為求性之泛。禮者所以規厥性也。學而禮。則令名昭焉。名昭而辱
遠矣。故居上而能靖。居下而能默。世有近墨氏者。以為陋。有慕
莊生者。則以為僻。有談荀卿者。則以為曲。意三子者。無盜跖之行。
遵仁而處。遵知而達。遵禮而動。孔子之可必取也。互鄉之童子。無

異於市井之人。孔子猶與其進。而况於三子哉。故曰世俗不可與論古。拘儒不可與論道。其是之謂乎。

名理玄言。霏如玉屑。

仙論

秦王好仙。將築臺於宮。以望終南。徵君諫曰。不可。夫有國者。將以遠欲而親民也。故封建一國。則一國之民賴焉。不敢棄也。民亦不能棄其所牧。而求治於隣。故天子遠欲以親民。諸侯遠欲以親百姓。百姓懷之。是以能有其國。昔者周公封於齊。而齊民頌曰。公封於魯。而魯民悅。以齊魯之民。獲其所賴也。今賢王受先王之遺業。而為秦之諸侯。幾二三百載。而百姓日蕃。田野日闢。灰難初節。而無離心者。豈民性之本。朕哉。亦為人牧者。有以扞城其民也。臣始入秦之境。野無肥民。市無豐賈。乞者載道。倉廩不發。臣疑以為無

寫出山澤
修仙之館
則使王之
為真不可
知天

請戾也。及賢王得臣，百姓歡悅，咸望臣之吐忠而諫也。臣媿不能
有益於秦，而賢王亦亮臣之不能忠於前也。故欲築臺以求仙，窮
觀於華嶽，騁望於終南，而為遠民之舉，以彰其欲，何賢王之勤勞
若此哉！臣竊以為過矣。昔燕昭王欲致天下士，飲民力以築千金
之臺，燕民猶病之。况築臺而求神仙乎？夫仙者非臣，非民，潛於山
澤之間，垢衣瘠形，飲水食草，得山澤之精，以延年保身，窮莫甚焉。
黃綺曰：爵祿不及而竊嗟吸之術，以自榮者，世之所謂真人也。雖
卧薪不足以喻其窮，嘗膽不足以喻其苦。左無吹簫之妾，右無鼓
瑟之姬，珍羞異膳不得陳於前，文武侍從不得列於後，棄父母

割絕子孫，不表于鄉黨宗族，此海島之鬼羣也。由此觀之，綺隱于

商山，以皓為名，其論神仙則恥之。故當時避秦之士，徃徃皆明忠

信，樹廉恥，識君臣之分，審出處之間，如黃綺者，亦良可述也。彼豈

論于神仙哉！今賢王捐千乘之樂，而為此遊，以自悴其身，孰為利

乎？夫為百姓而築其臺，雖勞而不怨，棄百姓而勞民，民孰等之？是

築怨也。社稷之神，不福焉。昔我先王建國，伯子男皆無封壤，唯諸

侯是親。今秦以如繩之國，自賢王而絕之，無乃不可乎？嗟乎！賢王

特不寤，云爾。崇爵豐祿，亞于天子，雄藩沃壤，據四塞而誰行？賢子

孫世守其業，雖值亂世而不與王室同危，且足以樹霸。若王運在

又○可○以○興○其○延○年○也○如○是○何○希○乎○松○喬○何○慕○乎○韓○美○疇○莫○而○枯○槁○哉○彼○且○悔○之○矣○賢○王○復○希○慕○而○為○之○是○使○松○喬○韓○美○延○領○于○窮○谷○而○笑○賢○王○之○不○智○也○臣○願○王○罷○築○臺○之○役○以○為○人○民○社○稷○計○王○不○聽○是○歲○秦○餞○白○奴○殺○潼○關○天○王○使○中○尉○採○金○于○秦○
○好○仙○之○非○直○以○嘻○笑○破○之○

黨錮

曹節亂王室秦王問于徵君曰王室有黨錮之難何為其然也徵君對曰仁哉問乎夫豪傑結難禍及于國家者豈一朝之故其負天下之駿望則人主倚之以社稷孰不以為豪傑慶而不知發難之端亦萌于茲矣自甘陵之黨興天下已知今日之訖若陳蕃劉淑李膺竇武張儉鄧泰范滂之屬一時號為三君八俊名莫盛焉而竇武陳蕃以執政為朝廷重謹議合如應響忠謀奮如疾雷然諾相許確如太山其自負也如此而竟不就故名顯而望隆君子之幸也小人因其名而乘之其難愈激而不可解以至于危國

論黨錮之禍後帶餘

盛衰若泰
從來如此
可勝歎息

家○可○畏○也○憲○聞○之○豪○傑○之○出○必○有○英○毅○明○懿○之○君○以○成○其○志○則○謀
裕○而○不○激○功○順○而○不○挫○以○輯○定○社○稷○民○人○以○寧○故○舜○不○遇○堯○則○驩
兜○不○能○放○周○公○不○遇○成○王○則○飛○廉○不○能○戮○今○數○子○者○無○舜○與○周○公
之○遇○而○為○此○謀○不○亦○哀○乎○夫○治○世○則○陽○明○開○而○小○人○為○泥○沙○亂○世
則○陰○濁○溢○而○君○子○為○魚○肉○今○王○室○無○經○紀○文○章○使○豪○傑○弄○于○群○奸
之○手○海○內○塗○炭○者○十○有○餘○年○是○威○福○移○于○下○而○主○權○不○明○也○故○豪
傑○錮○而○為○黨○罪○以○危○社○稷○之○名○豈○天○道○也○哉○若○數○子○不○死○猶○可○以
鎮○王○室○不○然○諸○侯○不○能○高○枕○於○藩○籬○之○內○矣○夫○彼○以○小○忿○而○構○大
難○鈞○黨○之○變○臣○其○寒○心○天○如○祥○漢○錮○賢○者○必○誅○讐○民○者○必○戮○正○其

典○刑○以○舒○直○亮○忠○貞○之○士○則○王○室○之○隆○若○振○翼○也○何○為○而○使○其○為
憤○哉○自○李○固○杜○喬○不○得○伸○于○前○致○黨○議○不○得○明○于○後○臣○以○消○息○之
勢○觀○之○必○不○免○矣○悲○夫○以○王○之○賢○偉○當○千○乘○之○國○而○失○高○枕○之○安
此○臣○所○以○為○賢○王○患○也○王○宜○以○誅○節○等○為○名○盟○集○諸○侯○肅○清○王○室
培○直○善○類○甦○活○蒼○生○改○尤○以○新○天○下○若○主○上○不○從○則○周○公○伊○尹○之
舉○在○賢○王○也○臣○竊○念○安○帝○之○世○內○戚○用○事○于○朝○諸○羗○橫○馳○于○郡○國
天○下○咸○怨○然○帝○有○好○賢○之○明○常○以○禮○幣○徵○天○下○孝○廉○之○士○臣○亦○與
焉○猶○以○為○未○可○仕○也○故○辭○而○不○就○淹○請○于○今○主○昧○臣○震○國○命○大○謬
善○顯○盈○朝○而○無○尺○寸○之○功○徒○以○清○譽○激○揚○而○淵○畫○者○益○寡○竟○罹○禍

清譽一語
該盡東漢

卜定

卷五

二十一

難○臣○實○痛○之○今○黨○錮○紛○紜○之○際○猶○可○援○也○賢○王○為○王○室○計○奮○然○遠○
 舉○以○延○漢○祚○則○臣○雖○不○得○仕○漢○亦○足○以○報○矣○王○其○圖○之○秦○王○感○慨○
 泣○數○行○下○左○權○劍○歌○以○挑○秦○王○歌○曰○西○溟○有○劍○其○光○離○離○照○之○可○
 以○熏○黔○黎○秦○王○於○邑○而○言○曰○寡○人○寤○矣○徵○君○寡○人○師○之○子○寡○人○友○
 之○將○協○謀○以○輔○王○室○不○敢○避○也○左○權○對○曰○徵○君○入○秦○二○年○以○心○奉○
 于○王○久○矣○而○王○方○悟○耶○今○天○下○之○諸○侯○皆○欲○以○首○盟○為○功○以○請○禍○
 為○勞○以○得○士○為○強○以○收○民○望○為○張○而○王○不○聞○何○也○秦○王○謝○曰○賢○子○
 之○幸○教○寡○人○其○利○普○哉○左○權○出○語○秦○人○曰○吾○數○諷○秦○王○而○王○不○謀○
 雖○得○徵○君○亦○不○足○乎○

按○來○君○子○立○朝○而○上○無○明○主○未○有○不○受○小○人○之○禍○者○不○獨○黨○錮○
 為○然○

止臺

秦王將築臺○徵君復諫曰○臣草莽之鄙夫也○賢王謬舉臣於增鼎
 之上○臣是以感激洗衷○不能阿王之所好○亦願越鼎而烹○以彰臣
 之法○可也○臣請為王喻之○今有火之燃薪也○薪不盡則火不滅○若
 火○成而復之以薪○愚者不為也○秦之民苦於饑饉○困於戎狄○是二
 火也○賢王復築臺○以匱民力○是濟之以薪○而火益熾○民矣勝哉○夫
 賢王亦何樂乎此也○臣不諫則王不止○臣既諫而王不納○臣無罪
 矣○切聞義欲者○安危之基也○義起於敬○敬則民勸○民勸而國可富
 也○欲起於貪○貪則勞民○勞民而國可貧也○二者皆生於心○作於慮○

臣請為王喻之

可不慎乎。昔文王勤民而築靈臺。義之感也。楚靈王勞民而築章
華。欲之感也。感以義故民樂之。感以從故民怨之。雖然靈王之築
臺猶未荒於仙也。荒于仙棄民甚矣。國焉不亡。昔秦始皇築阿房
之宮而空秦。秦民以為有主故怨而不亂。及其巡遊天下駐駕于
東海而求神仙身未返國而死。秦民無弔焉。迄今二世項藉滅之
此嗜欲之明效也。至高皇帝龍興于沛。混一海宇。孝文克紹前烈
惜露臺之金以休民力。天下稱仁焉。及至武帝以雄奮之才北却
匈奴。匈奴遁逃而不敢寇。當是時民無餘積而頌武帝之烈。不
氣其後使張騫求神仙。以樓船渡海。男女死者三千人。方之術

尊于孔子。土木之功靡于阿房。臣以為西京之禍自武帝而始也。
賢王遠既不能鑒于秦政。奈何近亦不能鑒于西京乎。必欲為之
而不悔。千秋之歲。臣恐秦為禾黍之墟。而姑蘇之麋鹿。復遊于秦
之臺矣。賢王豈能馳神于茫昧而忽然已耶。夫先生之臺所以觀
國氣而與民樂也。未聞棄民而求仙也。今王室雖弱。猶足以讓王
而諸侯亦望秦而業繫。賢王之子孫雖欲播一策之壤。以為安其
可得哉。願賢王孰審而采納焉。秦王乃止築臺之役。
朝來爽氣。組織成文。

見錢

陸續追師至秦。謁徵君而喜曰：續也得師矣。願終身受業焉。徵君問曰：子見元禮乎？陸續答曰：嗟！與元禮去國矣。曰：難黨解乎？曰：霍子之力也。徵君嘆曰：雖然，閣寺執政，直臣必危。元禮之去，其能久乎？吾嘗與林宗論漢室之事，憂形于色。移榻不宿，獨何心哉？是以堅不仕之意。遂山藪之樂。林宗與吾偕，是心也。彼猶擇交而獎訓，故及于黨。若憲也，無譽無毀，潛葆厥素，躬耕以養妻子，鼓琴讀書，以訓來學。有兄伯庸，哭母失明而亡。吾獨廬塚三年，遭漢不靖，佞臣竊權，旬叔稱命，惠政不霑于民。歛術結網于國，吾是以堅志而

避世及讀孔氏春秋○常曰○仲尼之道○至作春秋而尊也○知周無盛
王○不可以輔○乃歷說諸侯以行其道○得志則攝相事而誅正邪○不
得志則權褒貶而作春秋○吾亦樂仲尼之道○周漢之東○皆季世也○
故考風于列國○聞政于諸侯○諸侯不以為賤而賓之○豈爵祿以臣
而疑滯于進退哉○吾始遊齊魯韓魏之諸侯也○四君皆愛士而不
能謀盟會而不能信將○如晉而國有警○乃遙涉于秦○秦王明毅而
好問○分祿而養賢○試能收秦之民○積秦之粟○盟諸侯而扶漢室○
黨錮而清王塗○誅讒佞而撫黎庶○却匈奴而歆社稷○則○公
之業○不足為也○今閣寺執政者二世矣○黨錮雖釋而主裁亦何

以○慮○農○若○數○子○不○為○逢○梅○之○舉○必○為○後○憂○孔○子○曰○邦○無○道○危○行○言
遜○數○子○其○未○從○事○于○斯○乎○是○歲○秦○國○地○震○大○雨○電
所○謂○見○災○者○只○是○看○得○道○理○明○透○耳○

上林

有五色鳥集于上林。秦王喜而問曰：寡人享西土之祿，未有功德于散邑之百姓，而致珍禽，寡人以為鳳也。不然，則太液之鳥，鳧雁鷓鴣之鳥，上林之苑，非無鸚鵡翡翠之禽，奚五章之若斯？寡人聞之，西方之鳳曰鷦鷯，意者其鷦乎？若以為然，寡人將發松廩，致百匠以修上林，則何如？徵君對曰：吾聞淮南有鳥，其名曰鷦。南越有鳥，其名曰翬，皆五色也。昔者文王為西伯，修德行仁，澤被南海，是時也有鳥鳴于岐，名曰鳳凰，百姓陳路而歌，羣臣埋庭而頌。文王曰：奚為鳳乎？是爾。臣庶飾其所聞，以重予過，夫以文王之

清遠之氣
彌恒

整而讓岐山之鳴。却臣庶之頌。慎懈德之愆。是以光照于西土。息
懷乎諸侯。而為受命之主。世載厥休。以茂有天下。則文王之為也。
今王之心。度不類然。臣恐藉鹿為馬。以臣復覲。面于秦庭矣。夫上
林苑。秦之廣囿也。成漢祖滅秦。入關中。三望上林之苑。而不入。豈
復畏秦之餘威哉。亦項氏以為憂也。至孝武皇帝。始鑿昆明之池。
以習水戰。民不得休息。而天下大困矣。然猶賴文景之遺澤也。及
世祖遷于東京。以來。上林遂為廢苑。今欲興之。非帝王之業。不可。
雖然。歛四海之財。發百年之廩。竭百姓之力。以修凶國之
不為也。且以供子孫盤遊之樂。為二世竊笑。是秦之民。五里

不亦悲哉。願王察臣之言。毋忽焉。秦王乃止。上林之役。左右因是
以嫉微君。

冷哉熱刺。敗盡世主好祥瑞之興。

觀雪

秦王與徵君飲觀雪于庭有姬臥貂帷賦白雪之歌起而覓琴不
 得倚帷而歌之鼓繞殿閣積雪倒飛秦王甚異之乃鼓缶而和命
 左右以觴進徵君徵君曰王亦止缶乎秦王曰何謂也曰夫物不
 可過盛音不可過揚過盛則亢過揚則溢今王之缶淫矣不可鼓
 也臣是以請止之秦王曰嗟乎先生欲以寡人之姬喻是寡人有
 淫姬也于缶何有焉遂不悅而罷酒左右附秦王之耳告曰王請
 烹之秦王曰烹一士而動諸侯不可謂武徵君佯醉而出秦王解
 白狐裘賜之以禦寒徵君謂李玄曰秦未可去也

寫得情景宛然應是太史公得意之筆

行吏

弘農太守金垣虐郡人怨之訟于秦王曰金垣之守弘農也殘虐日甚陽廡而陰貪嬖者五人嗾于左右借威行奸貧富有訟而後達有未達者則以殺劫于訟幸而訟理則曰是予力也夫安則倍其地而結訟貨殖以為贍則隱其田而蠲稅貧益貧富益富雖積尸于囹圄委命于溝壑而不聞也是以飲憤懷寃赴君之門而懇左右以求直如是者三矣君之仁恕慈之如慈父君之明聽仰之如日月西土之民咸賴焉豈惟一郡哉哉天皇命有司撫

吏治居其
十八

攝西土○將以禪君之勞○詢民之欲○以自靖也○○妙○於○主○言○今虐下而讐眾○素祿而養位○寵嬖而行私○寅緣而鈞譽○不受君之明仁○而肆然為民救○是蔑君也○君奄有西土○而威不加于一郡○以翦虐除殘○竊恐遠近雷同○國如空舍○而君其孤矣○何以示強于鄰國耶○為弘農之民而愬其父母○固罪也○然隱忍而不言者○亦多矣○君其先循良之察○而後誅謫之誅○無悔也○是以朝夕待死于殿下○賤臣唯命焉○秦王得其訟而憐之○乃命左右○按其郡太守金垣○坐贓下獄○其妻素淫○乃詐為嬖女○以千金賂秦王之左右○左右有通之者○是以得入宮闈○有寵于秦王○王欲釋之○不知其為太守妻也○是時有漢使○○秦

不禮○漢使以其事聞于朝○罰秦王之祿二千石○事竟不釋○太守及左右犯法者○皆徙于邊郡○無赦○是歲紫微山崩○而移○君子曰○漢室不久○天下其分崩乎○

末世貪汙淫泆之狀○寫得盡情○

三軍

秦初作三軍。徵君上秦王書曰。臣聞王之作三軍。竊以為驟矣。夫諸侯撫千乘之國也。五年而修德。三年而勤政。二年而振賦。故功施有漸而民不勞。今百姓未寧而遽作之。諸侯未盟而先動之。費必壅于秦。昔者文王以百里之壤。修令德而創王業。况千乘之大國哉。夫文王之撫岐邑也。薄其賦稅。弛其刑罰。矜恤鰥寡。懷保孤獨。扶植聾瞽。寧輯離散。必興之。役不及貧。無救之。罪不及子孫。仕有賢嗣。則祿之。山澤之利。有不貢。則疏之。安則同其樂。忠則同其憂。是以王業隆而頌聲作。獄室空而不閉。田野闢而相聞。市無

校始不出
之意

帝老道無間民和氣昭而四時寧諸侯歸仁焉今賢王治秦也分
祿于宗解裘于士賜食于左右威暢于弘農罷築臺之後納遠人
之諫慈惠而發恭彰彰其矣然仁澤未霑于四境紀法未布于一
國能使弘農之民負堅荷銳于前而不使秦之民抱饑寒之困
而驅馳也是三軍之作其三農乎昔晉文公納襄王于周以示民
義伐原以示民信大蒐于被廬以示民禮然後作三軍伐曹衛出
穀成釋宋圍敗楚師于城濮遂霸諸侯今欲用其民而去禮信何
三軍之作也賢王若修德而勤政以保大王室苟王室安則
力以事之而不為誑王室之難成則據秦以圖之而不為憂何見

同姓之賢王而假臂于塗人使諸侯乘于蕃林之上蟬欲
向西枝而汎慨也當此之時秦之三軍徒足以為諸侯資耳夫
重于秦哉臣之在秦無所匡益夙夜憂懼懸心如鐘進不得盡言
以規王退不能豫謀而越衆臣竊恥之雖然賢王親草莽之疏加
不次之遇臣敢不殫厥心以報賢王乎夫秦之所欲盟者晉也以
晉之強而盟于秦併力以樹之則諸侯之雄固已在秦矣秦不盟
晉是失諸侯之雄也臣聞之諸侯同盟則聽于士諸侯同勢則聽
于民諸侯同德則聽于天欲晉之盟秦非臣不可也晉警方我臣
將說其賢王以結秦之心王勿以臣為縱橫之士也王室凋薄不

水定

卷五

三二

能以德庇諸侯諸侯亦不能以力輔王室故歷說曰言而及秦晉也秦晉能相結以信相樹以德徽福于文武成康及我高文武宣之明烈如是而作三軍綏百姓制諸侯一海內其說樂之願王追治岐之政銘居鎬之業則漢之天下非特卜年八百而已賢王其熟計焉秦王感悟遂罷三軍此一篇是作外史大主意

去秦

秦王送微君子渭橋冠蓋載陌秦王觴而言曰微君之文盟于秦晉之鄙若媒之導于婚姻乎晉若不禮微君其無違寡人也微君曰臣不能以報秦而在晉則可以報秦在晉而不報臣亦不能以秦而報晉是臣之復與不復在此遊耳臣有弟子八人皆能顯諸侯而鎮國家固霸佐之才也王知或臣弟子有陸續者使之事王則何如秦王默然久之曰寡人將聘之對曰續也今日在王之左右而又聘之何也秦王笑曰寡人所欲者誠在微君耳微君不自用而進陸續何重于晉而輕于秦耶微君不悅曰憲也乞食于

辭出負薪
一段忽現

秦二年未嘗重秦也。今又進陸續于王，亦未嘗輕秦也。王必欲得
臣以為秦重則王之左右賢于臣者衆矣。而王以為輕何也？臣始
入秦有負薪者觀于渭上之梁，臣與之議如探九淵，其際無有夫
以一負薪之士王不能屈而用之，而况臣不如負薪者反欲重于
秦，空秦人之竊笑，非特負薪者而已。且王不聞陸續之賢乎？績也
嘗以孝廉之名為諸侯重，豈輕于一秦國哉？愛士而不能重，土
地而不能謀，是徒知士之重于國而不知國與士之均重也。士懷
珍而待價，修名而待聘，不亦重乎？唯自重其器而後可以重人之
國。王必欲用臣，是不亮士之所重也。雖然，王不以士之所重者重

而士不以王之所重者輕。由此觀之士不能輕重于秦也。亦唯是
信與不信耳。故伊尹在夏則輕，在商則重。百里奚在虞則輕，在秦
則重。今秦之輕重在王也。臣與陸續何有哉？微君遠行，
在而不用，去而屬意，古今庸主好賢大都類此。

天祿閣外史卷之六

賓晉人

遼晉

漢 汝南黃憲 擢
明 竟陵鍾惺 評

徵君遼晉國之疆。匹驢小車四乘。徵君驅驢。左權御之。七人以車。周岑陸續。後有寇追。續謂岑曰。前無塵。不能及矣。遇寇。吾與子何。周岑曰。命也。既而寇至。欲攀車而取。及陸續告曰。及無瞋。有夫子。敬裘在也。曰。何謂夫子。曰。汝南叔度。曰。非黃徵君與。曰。然。曰。則吾。

世別開
同大

下

卷六

一

不忍停也。反以囊金一斤為贖。以贖之。受而陳謝。寇去。周岑謂曰。受之義乎。受而謝之禮乎。曰。顛沛之間。不能辨禮義也。姑受之。以謝。暮赴于闕。徵君待而問曰。來何逢。曰。阻寇。曰。無傷乎。曰。賴子不傷也。且有饋。寇饋不可謂贖。安受之乎。曰。非所殖而饋。受矣。不為贖也。曰。然是誠非殖也。朱雋曰。吾聞寇以禦人。未嘗以饋。若寇者。餽人。是不禦也。雖然。充禦人之心。二子其不免乎。彼以是心而猶饋。豈以為非殖也。且其所饋者。以子饋乎。以名饋乎。抑饋以義乎。饋以義焉。往而不受。饋以名。胡可受也。若以子饋而受之。子亦無報之云乎。受則必謝。子亦無揖之云乎。不報則受之心。不如饋也。

不報而謝之。是感子以信。而應若以偽也。殆不可與。陸績曰。于斯時也。彼以其饋至。亦惡測其禦人之心乎。孔子曰。人潔己以進。與其潔也。焉保其往也。今寇也不禦而餽。是以餽潔矣。而不受却餽。而受其潔。無乃自傷乎。受而報禮也。受饋于寇而報之。非禮也。不可報而謝之。夫矣。偽徵君曰。雋乎。言厲而矯。可以揚乎。治世續乎。言婉而怒。可以免乎。亂邦。吾其試矣。

析疑義無微不透。

逆旅

徵君過河曲。晉人不識為徵君。有酒徒數十人。偶語于市。曰：皇皇九旅。一何寒也。左權謂晉人曰：夫子假道于此。有司不聞。汝莫以告。偶語者何也。晉人曰：何夫子為。闕吏猛而容人。是若之幸也。豈復聞于有司乎。有司不能待寒旅也。讓我以偶語。酒徒之性。亦將肆矣。左權叱曰：汝以百夫之衆。挾酒徒之右。而搖亂一市。何有司不汝戮也。晉人怒而捕。有解衣而求聞者數人。呼于市曰：先捕驢上之子乎。左權以身翼之。乃與左權聞。左權舉商人之棟木二丈。橫行于晉人之圍。晉人皆靡。遂分道而去。有司已聞徵君至。出郭

追之徵君使左權謝曰夫子遠矣不可淹也以晉王有款聘故送
涉乎冀壤假道于令邑夫子欲下車而禮以徵服故是以不敢相
達且無費明宰之腆惠也有司曰某之守是土也無令譽于百姓
是以聚為酒黨以暴吾惡也徵君其無警乎乃再拜謝罪餽黃金
百斤為贖左權辭曰夫子有命請復之權不敢專也遂不顧而行
以其情告于徵君徵君喜曰才大而仕于我智也從遊而忘勞
恭也力舉梁木而不關淑也權乎可以便蠻貊矣

叙事入情讀之不知其烏有也

傷時

徵君見晉王王曰寡人掃敝國以待夫子久矣千里而至得無勞
乎徵君對曰臣聞賢王之求士也內有側枕之思則外有載質之
勤內有岌岌之憂則外有皇皇之望其相求之殷然也豈惟士之
勞乎今賢王五聘臣而臣始至是賢王之思士甚于側枕也臣之
在秦聞晉鄙有強胡之難而士不至是賢王之憂甚于岌岌也王
若以晉難既輯而未暇用士則臣之勞又甚于王矣雖然晉猶未
請也長城若頽堵雉闕若敞甕雖以四塞為襟而烽烟之警每舉
衽席之上歲無暇日且地瘠于蕪莽而不知屯兵弱于私役而不

最者不修
鐘場所以
多事寧止
晉

知○戰○馬○疲○于○驅○馳○而○不○知○畜○將○委○于○執○政○而○不○知○廉○財○困○于○空○幣
而○不○知○信○武○玩○于○餌○虜○而○不○知○馭○是○故○以○晉○國○之○強○臨○之○以○賢○王
之○畧○鎮○之○而○不○能○安○乎○四○竟○之○外○亦○以○漢○室○有○此○六○蠹○也○夫○六○蠹
在○漢○室○而○獨○為○晉○憂○者○亦○胡○虜○為○之○衝○也○其○次○則○秦○及○之○秦○人○是
以○日○夜○登○垣○而○窺○晉○由○此○觀○之○秦○晉○固○唇○齒○之○國○也○唇○亡○則○齒○寒
秦○晉○固○唇○齒○之○國○也○唇○亡○則○齒○寒
士○招○延○于○國○而○謀○習○以○備○胡○秦○王○一○夜○而○三○起○並○如○覓○遺○臣○嘗
與○秦○王○卧○懸○燭○殿○中○秦○王○以○衾○擁○臣○而○起○失○其○一○襪○欲○營○其○左○右
及○索○之○二○襪○貫○于○一○足○其○急○也○如○此○是○皆○晉○之○所○宜○用○心○也○而○秦

先○之○晉○又○嘻○然○而○不○備○臣○恐○秦○將○取○其○唇○而○護○其○齒○無○乃○為○王○之
懟○而○百○世○之○辱○乎○為○晉○之○計○亦○唯○以○秦○之○心○謀○于○晉○則○晉○可○鼎○足
而○定○也○而○又○有○扶○漢○室○之○名○則○晉○文○之○功○烈○由○此○舉○矣○王○其○圖○之
晉○王○曰○善

行文絕似戰國策而細玩之却無縱橫氣習

謀國

匈奴寇雁門○晉王憂○問策于微君○曰○晉邑荒矣○其何能扞○且不可
守也○先生何以教○不穀對曰○臣聞大國無備○雖聖人不能樹功○諸
侯無權○雖謀士不能定難○今晉國之壤地○臣以為賢王未有也○晉
國之人民○臣以為賢王未有也○晉國之守○臣以為賢王未有也○
此三者○王皆無之○而又為晉之諸侯何也○如是則賢王雖欲強國
而防胡患○不可得也○夫雁門○晉國之巨關也○而王不能閉○匈奴之
患○則共之○三軍之衆○戰于晉之鄙也○而王不能制○匈奴之患○則共
之○三軍之餉○運于晉之邊也○而王不能領○匈奴之患○則共之○是名

字字經綸
熟讀之於
治天下之
能事思過
詳矣

附○而○實○離○誠○晉○之○所○獨○憂○也○臣○何○策○焉○本題或者其盟于秦乎王若修
政○亦○何○盟○之○為○然○盟○亦○諸○侯○之○所○賴○也○王○欲○謀○晉○而○親○秦○者○無○他
尊○漢○室○而○已○矣○秦○晉○既○盟○則○以○身○荷○其○國○而○陳○情○于○天○皇○以○塞○後
臣○之○路○求○兵○民○之○託○乞○備○邊○之○權○而○陳○以○必○然○之○故○然○後○陰○惠○于
民○則○民○樂○為○用○也○崇○禮○于○有○司○則○有○司○樂○為○譽○也○向○士○而○嘗○瞻○則
士○樂○為○謀○也○臨○軍○而○分○食○則○軍○樂○為○安○也○墾○其○蕪○壤○而○使○之○耕○鑿
其○重○池○而○使○之○溉○收○其○牧○苑○而○使○之○畜○柔○其○商○賈○而○使○之○業○飾○其
兵○甲○而○使○之○震○熟○其○戰○陳○而○使○之○奮○舍○其○老○弱○而○使○之○安○拔○其○銳
卒○而○使○之○厲○尊○其○謀○士○而○使○之○忠○以○漢○室○為○之○倚○而○謀○晉○國○以○秦

為○之○應○而○制○匈○奴○比○翼○而○治○則○晉○國○皆○王○之○有○矣○又○何○憂○乎○晉○王
再○拜○稽○首○曰○寡○人○聞○命○惜○乎○力○不○勝○也○曰○王○饒○于○是○乎○王○勿○饒○也
臣○觀○天○令○胡○運○必○興○悠○悠○漢○室○將○為○墟○乎○麥○秀○之○歌○臣○又○聞○箕○子
矣○晉○王○憮○然○而○泣○曰○漢○移○斧○柯○奈○寡○人○何○是○歲○黃○巾○亂
危○言○不○啻○瞑○眩○之○劑○而○庸○主○了○無○起○色○奈○何

防奸

晉王與微君宴于平胡樓。晉王歎曰：茫茫胡壤，黃河其波，翔風舉
 礫，當闕者何寡人守此故邑，能不悲乎？微君避席而對曰：臣竊以
 為王之徒悲耳。昔太王居邠，狄人寇之，事以皮幣，犬馬猶不得免。
 今賢王無以事敵，而欲免其患，臣見晉國之日蹙也。夫胡虜入寇，
 冠王室也，而寔有寇晉之名。賢王亦何辭焉？且王不見夫鷓之追
 雀乎？翔薄于霄際而不視其雀，雀仰觀其鷓之追也，而伏于巖垣
 之側，鷓乃垂翼而下之，有蛛經張於巖垣，涉之而散，是鷓欲捕其
 雀也，非為其蛛網也，而因涉焉，是鷓也，寔有捕蛛之名。鷓又何辭

勢所必至
一喻寒心

水史

卷六

人

待殺二字
說盡當時
弱不能振
之病

乎○由○此○觀○之○胡○虜○也○王○室○雀○也○晉○國○蛛○網○也○寇○王○室○而○及○晉○不
猶○捕○雀○而○及○蛛○乎○臣○是○以○勸○王○之○為○也○晉○王○不○答○頃○之○晉○王○問○曰○
國○人○有○黨○錮○之○難○何○為○其○然○哉○對○曰○臣○聞○明○仁○之○主○國○無○錮○忠○豈
厲○之○主○國○無○錮○佞○今○主○昏○于○上○忠○錮○于○下○外○則○烏○孫○之○種○驕○而○入
寇○內○則○黃○巾○之○屬○叛○而○不○寧○又○甚○于○竇○憲○梁○冀○之○世○矣○自○西○京○以
來○未○有○此○難○也○天○下○之○侯○王○皆○南○面○而○待○敬○于○藩○屏○之○內○臣○痛○心
焉○願○王○審○處○而○熟○計○可○也○晉○王○酒○酣○擊○劍○而○歌○命○微○君○和○之○對○曰
臣○不○能○和○臣○有○左○權○者○善○劍○有○陸○績○者○善○歌○有○周○岑○者○善○辯○有○張
表○者○善○策○有○孔○紹○祖○者○善○藝○有○朱○儁○者○善○守○有○徐○淵○者○善○矢○有○李

玄○者○善○天○文○王○能○用○數○子○以○謀○國○其○庶○矣○乎○晉○王○曰○寡○人○將○謀○諸
父○兄○伯○叔○父○而○從○夫○子○之○明○誨○可○乎○對○曰○不○可○謀○出○于○臣○故○臣○亦
與○焉○若○是○謀○不○出○于○臣○則○臣○亦○不○可○用○也○今○屏○左○右○而○與○王○謀○者
豈○不○善○于○王○乎○吾○聞○古○之○豪傑○議○天○下○事○也○机○密○而○謀○獨○故○能○奮
其○功○謀○未○定○于○心○而○先○卜○于○口○是○台○譽○也○故○曰○謀○難○盡○者○設○其○喻
機○難○達○者○張○其○形○今○日○之○宴○臣○之○謀○不○能○盡○于○王○也○王○其○密○之○晉
王○曰○善○

反覆辨論無一語不警無一語不透

一難

微君設五難說晉王一難曰今有穀生于千仞之園其葉如雲其
幹如虹陰于春夏不知秋冬沐之以芳雨暢之以薰風受天澤之
寵而根蒙茸乎一壑其青松朱桂之樹不得雨露而槁悴者三匝
下有萬草凋零在陰其孤蘭與衆英皆不得被乎陽春有牧者頓
足于北陵之坡而盼之欲繫則無修繩欲伐則無斧斤使山之草
木離披偃蹇垂榮而待于幽焦萌而聽于穀當是之時臣不知牧
者之何所解也晉王曰是穀也必凋于歲寒柰春夏何意者其伐
之乎牧者無斧柯請謀于樵蘓

取譬微妙巧在箇中趣派言外

二難

今有宗族巨室。子孫保之。西疇千畝。百農耕之。以衡門為闕。以隄
堰為垣。以溝澮為池。溉彼千畝。深耕獲而望蓄。畬若無患也。一夕
北風沸塵。驟雨衝界。侵犯我疆。場崩潰。我隄堰播蕩。我藩籬浸淫。
我溝澮汙濁。我妻孥傾覆。我廬舍此巨室之憂也。出守者可為寒
心哉。當是之時。農夫荷鋤而流歎。結笠而增哀。如欲修其疆。扞其
災。以鎮撫其巨室。阜豐其民財。培沃其土膏。疏導其津埃。使西疇
蒼然。允茂嘉禾。優游于樂歲。恬澹于康塗。領巨室之託者。得無策
乎。晉王曰。風雨之虐。固災沴之厲農也。樂則巨室安。玩則巨室危。

水之
卷六

雖出守之責。而為巨室者。其亦不能豫患哉。
語語機鋒逼人。

外史 卷六

十一

三難

今有妖狐成群。遊于大苑之中。憇于金穴之內。其容足以媚太陽
之光。其氣足以侵雷霆之聲。貪如鼯鼠。矯若雄鷹。狀如狒狒。巧若
猩猩。其突如羝。其蠢如麋。倏忽萬態。莫知厥机。足蟠乎魑魅之域。
跡夙乎魍魎之墟。飾之以冶容。粲之以文皮。能禮北辰。而弗惠乎
黔黎。何以為黨。其名曰狸。此皆獸苑之所不畜者也。今肆然而馳。
據以要路。使麒麟不遊于郊。騶虞不緝于囿。群狔憑威。以噬人肉。
而入苑者。不可勝數。肝腦積丘陵。膏脂致淵藪。誠欲彎弓而射狐。
設網而驅蛇。以廓清其苑囿。豢畜其騶虞。若此者。果何術以制哉。

外史 卷六

晉王曰孤也養禍于苑藏富于穴○膏狀在穴何忍肆也欲亟制之子其問諸虞人

論治天下易說庸主難於此見之

四難

今有採不死之藥者五遊方嶽十涉溟洲窮含靈之壑掘產秀之丘被羽服而履赤鴟談真訣而煉丹砂或呼吸而漱精或偃仰而飡霞自以為安期羨門之倫松子玉喬之屬天子不能爵諸侯不能祿寢跡于草野寄傲于流俗與浮圖並軌老子同谷趨而事之者若攀軒轅之逸駕繳彭暎之遐福也其名孰美焉然周穆馳而犬戎叛秦始皇遊而二世亡此二主者寧無利于民而憂身之不壽于義皇寧無利于子孫而恥國之不延于陶唐卒有替羲黃之憂後陶唐之耻意者力之不逮乎或虛詞詭術無徵于世無禪于身

國○乎○何○嗜○之○而○不○疲○也○晉○王○曰○夫○周○之○鑒○秦○所○觀○也○而○始○皇○不○寤○
秦○之○鑒○漢○所○觀○也○而○武○王○又○不○寤○是○以○海○內○淫○于○方○術○而○棄○力○穡○
者○三○十○餘○年○然○則○玄○冥○益○于○國○哉○
寫○癡○愚○情○態○直○截○痛○快○今○古○皆○然○不○獨○秦○皇○漢○武○

五難

今○有○酒○後○十○人○群○居○而○飲○有○客○請○曰○今○日○之○宴○毋○隱○厥○技○以○為○劇○
可○乎○其○一○人○進○曰○吾○善○于○簫○有○二○人○曰○吾○善○于○歌○又○有○二○人○曰○吾○
善○于○舞○二○人○善○于○奕○二○人○善○于○壺○客○曰○若○之○藝○咸○聽○于○酒○謂○簫○者○
曰○吾○忽○焉○舉○觴○而○簫○不○應○者○罰○忽○焉○投○觴○而○簫○不○節○者○罰○頃○之○簫○
者○醉○而○不○能○罰○矣○又○謂○歌○者○曰○吾○忽○焉○舉○觴○而○歌○不○應○者○罰○忽○焉○
投○觴○而○歌○不○節○者○罰○頃○之○歌○者○又○醉○而○不○能○罰○矣○至○于○舞○者○亦○然○
奕○者○壺○者○亦○然○客○笑○而○喜○曰○吾○一○觴○而○困○九○人○其○亦○善○罰○矣○乎○何○
取○于○藝○也○九○人○曰○何○子○之○能○忽○于○罰○而○不○能○忽○于○賞○也○無○亦○罰○吾○

以酒而罰子以名乎夫酒可以罰可以賞是猶不為厲也人猶惡
醉而辱之今有司罰人以錢穀刑人以刀鋸是猶蕭既罰而斫其
指歌不賞而鉗其唇不亦甚乎若是而訟于諸侯以昭漢室之典
刑則何如晉王飲容而長歎曰嗟乎豈惟敝國為然若不出敝邑
之境亦無待寡人治之寡人欲告于天皇則畿內之有司亦是罰
也布于同列則隣國之有司亦是罰也寡人老矣先生其輔寡人
之子以興漢室無為社稷憂是歲有蝮蛇斃于自參井而出墮于
潞城黃巾破南郡殺方伯及令

痛哭處不減長沙滑稽處過於曼倩

修德

徵君遊于呂梁左權從之徵君喟然曰壯哉大禹之治也治于唐
崩于春秋壞禹之功亦晉邑之戾也今晉無大譽諸侯不役然而
有晉之憂者其漢室乎夫諸侯之傳國也山不崩水不涸是謂載
德之國山不再崩水不再涸是謂修德之國水涸山崩而繼焉是
謂載厲之國山始崩水始涸是謂替德之國此山川之徵也晉王
明惠而愛士可以興業然短于籌畧拙于弘毅故天下之士不能
盡心于晉吾又沒矣雖然吾豈求辱于晉王乎夫晉天下之強國
也以晉王之明而國尚儉無鄭之寵族故士亦樂為之用也苟晉

王不于此時奮劍于叢臺之上以謀晉則雖有恒山大河之阻并
徑○鴈門之固亦烏足以強罷敝之晉哉夫明而不能善者難以料
遠○惠而不能毅者難以舉大是吾所以憂晉王也吾嘗五難晉王
晉王五對而無沮以此而籌則晉必為盟主而王室亦有利焉利
王室而主盟七國之諸侯其晉文之業乎是載德之國由今而始
由晉而興東制齊魯西威秦蜀南服三楚中綏韓魏諸侯其誰不
盟○是吾之所以望晉王也左權問曰黃巾之亂孰能制之曰古之
得天下而帝者其謀于草莽之初猶盜也及其得一郡拔一邑傾
一城秋毫無所攘美女無所淫後善而納策順如崩石疾如決流

然○後○知○其○為○帝○王○之○器○也○今○黃○巾○之○衆○淫○毒○海○內○殘○虐○生○民○天○下
共○逐○之○此○特○犬○彘○之○雄○耳○孰○不○能○制○哉○權○也○有○烏○獲○田○詹○之○勇○是
三○軍○之○任○也○有○孫○武○穰○苴○之○畧○是○三○軍○之○帥○也○必○五○倍○之○數○而○後
禦○之○若○黃○巾○者○敢○當○于○子○乎○曰○陸○續○何○如○曰○續○也○使○游○于○孔○氏○之
門○其○閔○子○騫○之○儔○乎○吾○使○之○仕○則○黃○巾○之○亂○吾○知○免○夫
名言足以持世不獨文章妙也

董卓

董卓謀篡晉人告王曰漢室將授于董氏矣為之柰何晉王聞之懼謂徵君曰董卓造亂將傾我王室駑其大臣芥其百姓強其天子意者董氏之亂其浮於黃巾乎對曰黨錮之去國臣已知漢室之無臣矣董氏之亂不亦宜乎曰王允執政安謂無臣曰允也名起于布衣而業墮于鐘鼎是以執政而無權苟容于朝與群小浮沈其子賣爵于市日累千金是允也積毀千家養禍于國而民失望焉故董氏乘而竊之謀篡漢室允為丕戾其何能輔相耶若黨錮而死柰漢室何晉王出涕曰嗟乎以亂臣一人天皇不能討大

庸儒之狀
千古如見

臣不能杆寡人亦何有于敬邑。將赴王室而抱祭器藏于原陵。是
寡人之願也。天祐王室則天皇討之。天假敬邑則寡人討之。是討
亂在天也。寡人敢不勤于王室。曰漢祚若替則諸侯不能驟復。諸
侯弗盟則一晉不能獨舉。王何疏諸侯而懈德業乎。及是時也。修
德而飾政。樹盟而思援。必請厥難。夫以王之賢而棄諸侯之盟。其
殆天時乎。晉王不答。徵君出謂弟子曰。晉其殆哉。非天遠于晉主。
惟王遠于百姓。非天棄于晉邑。唯晉棄于諸侯。晉其殆哉。

未數語可補經訓

蟾臺

晉人築蟾臺以居。徵君周岑進曰。蟾臺非晉王之所築也。而子居
之。何乃自簡若是哉。徵君曰。是臺也。晉人得而築之。若諸侯者。豈
能下交于士乎。諸侯而下交則失其勢。故諸侯以勢交者。非交
以德也。士無勢亦安得而交諸侯乎。曰昔者朱雋之行也。問臨民
之道于子。子告之曰。守而無智。不可以保身。威而匪仁。不可以臨
民。陸續之行也。問臨民之道于子。子告之曰。續乎。孝可以勸百辟。
智可以安諸侯。仁可以懷百姓。張表之行也。問臨民之道于子。子
告之曰。汝盍醫乎。曰何謂也。曰世將無道。則天子有虛眩之疾。諸

此千古不治之疾雖有良醫亦無可奈何必也主人清静寡欲善日調養乃得痊耳

外史 卷六
疾○有○怠○荒○之○疾○百○姓○有○饑○饉○之○疾○大○臣○有○貧○蔽○之○疾○有○司○有○黃○緣○
侵○漁○之○疾○受○黜○之○臣○有○要○君○附○權○沽○譽○之○疾○夫○國○家○如○寄○也○而○有○
上○下○之○險○疾○擾○而○攻○之○國○焉○不○危○子○欲○臨○民○醫○是○而○已○矣○曰○何○以○
醫○也○曰○子○能○以○仁○義○為○藥○以○政○教○為○湯○先○瘳○乎○主○疾○而○後○瘳○乎○諸○
侯○臣○庶○不○亦○善○乎○曰○此○夫○子○之○醫○也○弟○子○何○敢○逮○曰○畏○黨○吾○將○醫○
諸○侯○若○諸○侯○瘳○國○亦○不○危○諸○侯○不○瘳○豈○唯○藩○籬○之○禍○亦○國○之○災○也○
由○此○觀○之○士○之○交○乎○諸○侯○猶○醫○者○之○交○乎○疾○不○能○離○也○而○夫○子○云○
云○無○欲○以○晉○人○之○故○而○自○釋○與○曰○子○何○以○為○士○交○于○諸○侯○乎○昔○鄭○
人○有○膏○肓○之○疾○三○年○而○不○出○戶○或○告○之○曰○子○之○疾○危○矣○求○良○醫○以○

瘳○之○可○乎○曰○市○無○良○醫○何○以○求○為○曰○有○良○醫○者○在○于○楚○子○以○百○金○
致○之○彼○必○不○遠○千○里○而○赴○鄭○人○果○得○楚○之○良○醫○以○瘳○其○疾○是○醫○者○
未○嘗○求○疾○而○治○也○醫○在○而○疾○者○求○之○耳○然○則○為○士○者○亦○諸○侯○之○求○
之○也○豈○求○諸○侯○而○交○與○吾○受○晉○王○之○聘○猶○楚○醫○受○鄭○人○之○金○也○鄭○
人○得○之○而○瘳○疾○晉○王○得○之○而○不○瘳○吾○豈○不○若○楚○人○之○醫○乎○亦○信○與○
不○信○也○今○黨○錮○又○告○難○于○朝○王○室○之○疾○殆○甚○于○晉○吾○已○矣○哉○
說理絕無一痕腐氣而遣詞布局大異於人

貽書

陸績歸吳貽徵君書曰績也珮先王之訓竊榮一職私激所心
試于當時而效犬馬之勞也不圖漢室罷弊諸賢錮戮董氏造亂
肆謀不軌海內囂囂有新室之風此豪傑之所以怨慕而盤桓也
績賴先範得奉諸賢之清塵每與元禮接論稱先生以王佐之才
績實望焉若內難不復諸賢盈朝濟濟戮力以樹中興之功挽孟
世之感則先生奚舍蒲輪而就衡榻去王室而賓藩籬乎績嘗負
笈從游觀風壤以志之臨山川以紀之八馳孔轍九遊禹州績之
願也及館于秦邑將執洒掃辱主上以孝廉之舉先生命績曰仕

叙列道勁
嘉踏亦如
金商振材
疾人慘悽

遂許身于漢室亦唯先生是賴。漢室已矣。自竇憲梁冀之後。制其命。侯覽單超左悺。唐衡王甫。曹節趙忠。張讓之屬。玩其權。南單于西羗。北匈奴之羣。削其勢。黃巾張角之衆。殘其民。而又劫之以董火。禍亂相仍。國家塗炭。內無比于之忠。外有箕子之歎。天地災沴。宗廟社稷。宮闈之禍。慘于春秋。夫漢室之敝也。若是何能輔之。績是以逃。祿避難家于吳中。與鳩夷子游。濯纓五湖之濱。流憇長洲之野。漁釣而歌。以畢吾志。是亦先王之訓也。績去國而來。寒暑二謝。每念漢室多故。未嘗不慷慨而赴之。以泣也。先生在晉。令德日彰。垂教于九夷八蠻。諸侯賓之。百姓懷之。此隱功于漢者也。

其奈國家何哉。夫先生之出。為漢室也。而漢室不能自為。投我豪俊。分立鈞黨。而國無社稷之臣。則先生亦卷道而馳。志可乎。以先生之明哲。固已亮矣。而又淹驅馳之踵。理必亡之緒。動諸侯而持漢室。誅奸雄。而安海內。屏左道。而匡朝廷。旨欲望諸侯而為之。雖桓繆復興。亦不獲已。然而先生之淹于此。遊者無亦以負鼎為心。而置其利鈍耶。然則仲尼栖于宋衛。子輿濡遲于齊梁。信乎大賢之為也。績也。復欲從事于未竭菲薄之軀。而不敢以吳晉為遠。朝夕講德。恭敬無怠。此績之所以事先生之心也。奈婚姻未畢。疫癘久作。又無餘粟。以養老母。躬耕薄疇。聊以卒日。邇來東南告饉。

水史
卷六
十一

而更不加。卸稅。役繁興。而民不加。供盜賊。克路。闕市。唯譏。是吳之。危。甚于晉。續。又安能。舍父母之邦。而遊也。姓。歲歸。吳。假道于汝南。廬塚。有司守之。春秋。有司祀之。義陽之田。耕而不賦。麒山之臺。藏琴。而不毀。雀巢于衡。慎陽之人。皆不弋。草蕪于徑。慎陽之人。皆不樵。此耕桑之所。揖讓也。是以元禮。竭忠。林宗。潔身。公偉。不渝。節。蔚卿。不辱命。其仲舉。游平。子幹。孟博。公孝。元節。光有。皆附。德音。而興者也。續。不敏。進無。毛焦之諫。而忠。子王。退無。陳蔡之從而信于師。不自。砥礪。以遠。令名。而厚。為天下。戮笑。所以。中夜。感激。長嘆。而不敢。也。道里。遼阻。朔風。其寒。行者。歌授。衣。居者。歌蟋蟀。時云。暮矣。君

子。悠。悠。悠。悠。無。期。抗。情。于。辭。不。盡。種。種。徵。君。以。書。示。李。玄。曰。傷。哉。○有○心○之○語○
中原之書達矣。是歲徵君去晉。
悲歌慷慨中不失有道氣象。

